



ՀԱՍՏԱՏՈՒՄ ԵՄ՝
Շրջակա միջավայրի նախարար
Հ. Սիմիդյան

« 29 » 06 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0085-22

Ձեռնարկողը՝

«ԳՈԼԴ ԼԱՅՄ» ՍՊԸ

Շրջանցող Փ. / 14 Վեդի 0601 Վեդի Արարատ

Գործունեությունը՝ Շաղափի օրգանածին կրաքարերի հանքավայրի «Շեն»
տեղամասի արդյունահանման աշխատանքների
(ընդլայնում) շրջակա միջավայրի վրա ազդեցության
գնահատման հաշվեքվություն
Արարատի մարզ, Ուրցաձոր համայնք

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր՝ 10 թերթ

թիվ ԲՓ 0085-22
«29» 06 2022թ.

Արարատի մարզի Շաղափի օրգանածին կրաքարերի հանքավայրի «Շեն» տեղամասի արդյունահանման աշխատանքների (ընդլայնում) շրջակա միջավայրի վրա ազդեցության գնահատման հաշվետվություն

Ձեռնարկող՝	«ԳՈԼԴ ԼԱՅՄ» ՍՊԸ
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն /ՇՄԱԳ/
Գործունեությունը՝	«Ա» կատեգորիա
Տեղադրման վայրը՝	Արարատի մարզ, Ուրցաձոր համայնք

Ներածական մաս. Արարատի մարզի Շաղափի օրգանածին կրաքարերի հանքավայրի «Շեն» տեղամասի բացահանքի (ընդլայնում) նախագիծը կատարված է «ԳՈԼԴ ԼԱՅՄ» ՍՊԸ-ի տեխնիկական առաջադրանքի հիման վրա:

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի, 4-րդ մասի, 2)-րդ կետի գ ենթակետի՝ Արարատի մարզի Շաղափի օրգանածին կրաքարերի հանքավայրի «Շեն» տեղամասի արդյունահանման (ընդլայնում) աշխատանքները դասակարգվում է «Ա» կատեգորիայի գործունեության տեսակի:

Հանքավայրի օրգանածին կրաքարերի պաշարները թույլատրվել է օգտագործել կավճի (ԳՈՍՍ 17498-72) արտադրության համար և քանի որ, Շաղափի հանքավայրի «Շեն» տեղամասի օրգանածին կրաքարերն արդեն իսկ բնական վիճակում CaCO_3 -ի 95 %-ից բարձր պարունակությունով համապատասխանում է MK-2 մակնիշի պահանջներին կարող են օգտագործվել շինարարությունում շենքերի ու կառույցների վերանորոգման (շինարարական մածուկներ պատրաստելու) համար:

Հաշվետվությունում գնահատվել են նախատեսվող գործունեության բնապահպանական և սոցիալական ռիսկերը, որոնց վերլուծության արդյունքում մշակվել են բացասական ազդեցությունը կանխող կամ նվազեցնող միջոցառումներ:

Աշխատանքների պատշաճ կազմակերպման նպատակով մշակվել է բնապահպանական կառավարման պլան: Մշակված միջոցառումների արդյունավետությունը վերահսկելու համար ներկայացվել է մշտադիտարկումների (մոնիթորինգի) ծրագիր:

Նկարագրական մաս. Շաղափի օրգանածին կրաքարերի հանքավայրի «Շեն» տեղամասը գտնվում է Արարատի մարզի արևելյան մասում, Շաղափ գյուղից՝ 3կմ հարավ-արևմուտք: Մոտակա բնակավայրերն են՝ քաղաքներ Վեդին, Արարատը և Գոռավան, Շաղափ, Ուրցաձոր գյուղերը:

Օրգանածին կրաքարերի «Շեն» տեղամասը հարում է այդ նախալեռնային մասին, որոնց լանջերը դեպի հարավ և հարավ-արևմուտք իջնում են մինչև Արաքս գետի հովիտը:

Տեղամասը Շաղափ գյուղի հետ կապված է գրունտային ճանապարհով, իսկ՝ Շաղափ գյուղը մարզկենտրոն Արտաշատի հետ ասֆալտապատ մայրուղով: Հանքավայրի «Շեն» տեղամասը գտնվում է Շաղափի սինկլինալային ծալքավորման հարավային թևում, Ուրցի մոտաշրջային հարավարևմտյան նախալեռնային մեղմաթեք լանջին:



2

3. Y=8487379, X=4415821

7. Y=8487300, X=4415673

4. Y=8487383, X=4415800

Արարատի մարզի Շաղափի օրգանածին կրաքարերի «Շեն» տեղամասը ՇԱԹՎ 25/030 թույլտվությամբ /նախկին 14/637/, 2010 թվականի հոկտեմբերի 7-ից սկսած շահագործվում է: Հանքավայրը այժմ շահագործվում է և 01.01.2021 թվականի դրությամբ 1-B (3.86հա) և (2-C1) 2.04հա մակերեսներով բլոկներում մնացորդային պաշարները կազմում են՝ (1-B) բլոկում 546279մ³, (2-C1) բլոկում 186650մ³: Երկու բլոկների մնացորդային պաշարները միասին կազմում է՝ 732929մ³:

Շահագործման 20 տարիների ընթացքում արդյունաբերական պաշարները կկազմեն 404860մ³ (1-B) բլոկ, (2-C1) բլոկում 62944մ³: Երկու բլոկները միասին արդյունաբերական պաշարները կկազմի՝ 467804մ³:

Մնացած (1-B) բլոկում 141419մ³, (2-C1) բլոկում 123706մ³ կարդյունահանվի 20 տարի հետո նախագծի ընդլայնման ժամանակ՝ լիազոր մարմնի կողմից թույլտվության դեպքում:

Բացահանքի աշխատանքային նախագծով շահագործման 20 տարիների ընթացքում նախատեսվում է.

1. Շահագործման տարիներին արդյունահանել (1-B) բլոկի 404860մ³ կամ 1.0մլն տ, իսկ (2-C1) բլոկում 62944մ³ կամ 155471.68 տ մարվող պաշար:

Տարեկան մարվող պաշարն է՝

(1-B) բլոկում՝ 20243մ³ կամ 50000տ,

(2-C1) բլոկում 12588.8մ³ կամ 31094.34տ:

2. Արդյունահանվող պաշարները՝

(1-B) բլոկի 378 800մ³ կամ 935 636 տ,

(2-C1) բլոկում 57650մ³ կամ 142395.5 տ:

Տարեկան արդյունահանվող՝

(1-B) բլոկի 18940մ³ կամ 46781.8տ,

(2-C1) բլոկում 11530մ³ կամ 28479.1 տ:

3. Բացահանքի օտարման տարածքը կազմում է 3.32հա (1-B) բլոկում և 1.36հա (2-C1) բլոկում,

4. Ծառայման ժամկետը՝ 20 տարի:

5. Հանքարդյունահանման աշխատանքները կատարել հորատապայթեցման եղանակով էքսկավատոր ավտոինքնաթափ համալիրով:

6. Հանքարդյունահանման աշխատանքները կատարել շուրջտարյա աշխատանքային ռեժիմով՝ 260 օր:

7. Կատարել խախտված հողերի լեռնատեխնիկական և կենսաբանական վերակուլտիվացիա:

8. Օգտակար զանգվածի տեղափոխում 10.0կմ հեռավորության վրա գործող գործարան:

Հանքավայրի հիդրոերկրաբանական, լեռնաերկրաբանական և լեռնատեխնիկական պայմանները բարենպաստ են հնաքավայրի բաց եղանակով շահագործման համար:

Շաղափի օրգանածին կրաքարերի հանքավայրի «Շեն» տեղամասում հատուկ ջրաերկրաբանական ուսումնասիրություններ չեն կատարվել: Դիտարկումներով պարզվել են ստորերկրյա ջրերի բացակայությունը բոլոր հետախուզական փորվածքներում, բացի այդ, ուսումնասիրված շրջանում և շահագործվող հանքավայրերում ստորերկրյա ջրերի առկայություն չեն արձանագրվել:

Հաշվի առնելով այն հանգամանքը, որ ապարներն ունեն բարձր ջրաթափանցելիություն և սակավաթեքից մինչև զառիթափ տեղանքով լանջեր՝ բացահանք ներթափանցող մթնոլորտային տեղումները կհեռանան դրենաժի ձևով և չեն խոչընդոտի հանքի շահագործման աշխատանքներին: Բացահանքը խմելու և տեխնիկական ջրով ապահովելու է պայմանագրային հիմունքներով:

Հանքավայրի բուն տարածքում ՀՀ Կարմիր գրքում գրանցված բույսերի և կենդանիների տեսակներ, տեսակների աճելավայրեր չեն արձանագրվել, տարածքում բնության հուշարձաններ հաշվառված չեն: Հանքավայրի տարածաշրջանում բնապահպանական տեսանկյունից խոցելի, կամ



Նախատեսվում է ավտոճանապարհի կառուցում հանքավայրի հյուսիսային կողմից, նախկին գրունտային ավտոճանապարհի 1253.0մ բարձրության նիշից մինչև բացահանքի 1285.0մ բարձրության հորիզոն, ավտոճանապարհի երկարությունը կլինի 329.0մ, նմանատիպ աշխատանքների իականացում նախատեսվում է հանքավայրի շահագործման տարիների ընթացքում, որոնց նակարագրությունը տրված է գնահատման հաշվետվությունում: Հողային աշխատանքների ծավալը կկազմի 620մ³: Բացահանքում 1285.0մ բարձրության հորիզոնում 550մ³ մակաբացման ապարները բուլդոզերով հավաքվելու, բարձվելու է ավտոինքնաթափ և տեղափոխվելու դեպի բացահանքի հյուսիսային մասը բացահանքի սահմաններից դուրս՝ N1 լցակույտ: Ավտոճանապարհների անցումը՝ մակաբացման ապարների հավաքումը կուտակումը կատարվելու է բուլդոզերի օգնությամբ:

Ելնելով նախագծում ընդունված մշակման եղանակից, ինչպես նաև լեռնաերկրաբանական պայմաններից ընտրված է արտաքին և ներքին լցակույտաառաջացում:

1-B բլոկի ժամանակակից առաջացումները, որոնք համատարած ծածկել են օգտակար զանգվածը՝ 32500մ³ ծավալով, իրենցից ներկայացած են դելյուվիալ նստվածքներ և կրաքարերի հաստվածքի խիստ ճեղքավորված և հողմնահարված կրաքարեր: Դելյուվիալ նստվածքների ծավալն է 15800մ³, իսկ խիստ ճեղքավորված և հողմնահարված երեսաշերտի հզորությունը հասնում է 0.4-0.6մ, որոնց քանակն է 16700մ³: միասին մակաբացման ապարների քանակն է 32500մ³, ինչը աստիճանաբար ավտոինքնաթափով տեղափոխվելու է բացահանքի հյուսիսային մասում ձևավորվող N1 լցակույտ, այնուհետև հնարավորություն ստեղծվելուց հետո՝ հանքավայրի շահագործման 5-րդ տարվանից սկսած դրանք աստիճանաբար ավտոինքնաթափով տեղափոխվելու են հանքավայրի արդեն արդյունահանված 1285.0մ, 1280մ....1260մ բարձրության բարձրության հորիզոնի վրա և հարթեցվելու: Տեղափոխման հեռավորությունն է միջինը 0.5կմ, մակաբացման աշխատանքները նախատեսված է կատարել S-130 բուլդոզերի օգնությամբ:

2-C1 բլոկի մակաբացման ապարերը՝ 9700մ³ ծավալով նույնպես իրենցից ներկայացնում են դելյուվիալ նստվածքներ՝ 4500մ³ և խիստ ճեղքավորված և հողմնահարված երեսաշերտ 5200մ³: 2-C1 բլոկի մակաբացման ապարերը տեղափոխվելու են լցակույտ շահագործման 16-րդ տարվանից սկսած, բացահանքի արևմտյան մասում նրանից 70մ հեռավորության վրա և պահեստավորվում՝ N2 լցակույտ:

N1 լցակույտը զբաղեցնում է 1350մ² մակերես վերին մասում և 3450մ² ստորին հիմքում, բարձրությունը՝ միջինը 6.5մ.:

N2 լցակույտը զբաղեցնում է 970մ² մակերես վերին մասում և 2180մ² ստորին հիմքում, բարձրությունը՝ միջինը 6.2մ:

Լցակույտաառաջացման ժամանակ մակաբացման ապարները բուլդոզերով և ավտոինքնաթափով տեղափոխվելու են դեպի լցակույտ և փովելու թեքության վրա:

Օգտակար զանգվածի տեղափոխումը դեպի 10կմ հեռավորությամբ գտնվող գործարան կատարվելու է KpA3-256B1 12տ և KaMA3-5511 10տ տարողությամբ ավտոինքնաթափերով, իսկ մակաբացման ապարների տեղափոխումը դեպի 0.5կմ միջին հեռավորության վրա, լցակույտ՝ կատարվում է 10տ տարողությամբ KaMA3-5511 ավտոինքնաթափով:

Հանքավայրի շահագործման ընթացքում հողային ռեսուրսների ընդհանուր տնտեսական վնասը կկազմի՝ 1533.0 հազ. դրամ:

Շրջակա միջավայրի վրա հնարավոր ազդեցությունը և վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

Նախատեսվող գործունեության աշխատանքների ընթացքում կլինեն բացասական ազդեցություններ օդային ավազանի, մակերևութային ջրերի, հողային ծածկույթի, բուսական և կենդանական աշխարհի վրա:

Մթնոլորտային օդի աղտոտող հիմնական նյութերն են՝ փոշին և շահագործվող տեխնիկա-տրանսպորտային միջոցների առաջացրած ծխազազերը և գազային արտանետումները:



Բացահանքի շահագործման ընթացքում մթնոլորտ կարտանետվեն ինչպես փոշիներ ավտոճանապարհներից, այնպես էլ վնասակար նյութեր, որոնց արտանետումները կապված կլինեն բացահանքում աշխատող մեքենաների և սարքավորումների շարժիչների տարբեր տեսակի վառելիքի ծախսերի հետ:

Հանքավայրի շահագործման ընթացքում, ջրային ավազանի աղտոտում բացահանքի տարածքից՝ անմիջապես արտանետումների տեսքով չեն նախատեսվում: Հանքարդյունահանման աշխատանքների ժամանակ ջրային ռեսուրսները օգտագործվելու են ճանապարհներին փոշենստեցման, ինչպես նաև սպասարկող անձնակազմի խմելու, կենցաղային և հիգիենիկ նպատակներով:

Հողային ծածկույթի վրա ազդեցությունը կարող է լինել ուղղակի և անուղղակի, որոնք կապված կլինեն առավելապես մակերևույթի և ընդերքի վրա ձեռնարկության օբեկտների տեղամասի տեղակայման հետ՝ ուղղակի ազդեցության հետևանքը հանդիսանում է տեխնոգեն գոյացումների ձևավորումը՝ բացահանքային հանվածքը, մակաբացման ապարների լցակույտերը, ճանապարհները, արտադրական հրապարակները, իսկ անուղղակի ազդեցություններ հնարավոր են ձեռնարկության փոշեգազային արտանետումների արդյունքում:

Բուսական և կենդանական աշխարհի վրա բացասական ազդեցությունը պայմանավորված կլինի արդյունահանման աշխատանքների ընթացքում խոտաբուսական ծածկույթի խախտման հետ:

Բացահանքի շահագործման ընթացքում կառաջանան բնապահպանական տեսակետից տարբեր վտանգավորության թափոններ, որոնցից են մեխանիզմներում փոխվող հնացած յուղերը և քսայուղերը, մաշված դետալների և մասերի նորով փոխարինման ժամանակ առաջացած մետաղական թափոնները /մետաղաջարդոնները/ և կենցաղային աղբը:

Շահագործման փուլում առաջացող թափոնները ներառում են.

- շարժիչների բանեցված յուղեր՝ 0,09տ/տարի վտանգավորության դասը III, դասիչ՝ 5410020102033 բաղադրությունը՝ նավթ, պարաֆիններ, սինթետիկ միացություններ,
- դիզելային յուղերի մնացորդներ՝ 0,09տ/տարի վտանգավորության դասը III, դասիչ՝ 5410030302033 բաղադրությունը՝ նավթ, պարաֆիններ, սինթետիկ միացություններ,
- բանեցված դողածածկաններ՝ 0.2 տ/տարի: Դասիչ՝ 5750020213004 բաղադրությունը՝ ռետին-95%, մետաղյա լարեր (կորդ) -5%:
- բանեցված կապարե կուտակիչներ և խոտան՝ 0.07տ/տարի: Դասիչ՝ 9211010013012, բաղադրությունը՝ կապար պարունակող ցանցեր, կապարի օքսիդներ և ծծմբական թթու պարունակող լուծույթներ, պլաստիկ կաղապարներ,
- կենցաղային աղբ՝ պինդ կենցաղային թափոններին պատկանում են՝ թուղթը, սովարաթուղթը, տեքստիլը, պլաստմասը և այլն: Թափոնների առաջացման նորման 0.3մ³ /տարի 1 մարդու համար: Կազմակերպությունների գործունեությունից կենցաղային տարածքներից առաջացած չտեսակավորված աղբը (բացառությամբ խոշոր եզրաչափերի) պատկանում է վտանգավորության 4-րդ դասին, ծածկագիր 9120040001004: Կենցաղային աղբը կուտակվելու է աղբամաններում և ըստ համապատասխան պայմանագրի տեղափոխվելու է համայնքապետարանի կողմից հատկացված աղբավայր:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվել են հետևյալ բնապահպանական միջոցառումները.

- փոշենստեցման նպատակով փոշեառաջացման օջախների ինտենսիվ ջրում տարվա չոր և շոգ եղանակներին (օրեկան 2 անգամ),
- բացահանքի արդյունաբերական հրապարակի շրջակայքում հնարավոր չափով կանաչապատում թփուտներով,
- դիզելային շարժիչներով աշխատող լեռնատրանսպորտային սարքավորումների վրա խլացուցիչների և արտանետվող գազի հոսքի վրա գտիչների տեղադրում թունավոր խառնուրդների չեզոքացման համար,



- նավթամթերքների պահեստավորում և պահում արտադրական հրապարակում հատուկ հատկացված տեղում (բացօթյա կամ ծածկի տակ պահեստ), որին տրվում է համապատասխան թեքություն, որն ապահովում է թափված նավթամթերքների հոսքը դեպի այն հավաքող բետոնապատված փոս,
 - օգտագործված յուղերի ու քսայուղերի հավաքում առանձին տարաների մեջ՝ հետագա ուտիլիզացման կամ հնարավորություն ստեղծվելու դեպքում՝ երկրորդական վերամշակման համար,
 - տեխնիկա-տրանսպորտային միջոցների ընթացիկ վերանորոգումներ, որը կատարվելու է միայն այդ նպատակով նախատեսված արտադրական հարթակներում,
 - հնամաշ դետալների ու մասերի հավաքում հատկացված առանձին տեղում և հանձնում որպես մետաղական ջարդոն,
 - կենցաղային աղբի տեղափոխվում մոտակա աղբահավաք կետեր,
- կեղտաջրերի հավաքում հորատի պ զուգարանում, որի հետագա դատարկումը կկատարվի հատուկ ծառայության ուժերով,
- բուսական աշխարհի օբյեկտների դրանց աճելավայրերի պահպանություն՝ ապահովել վայրի բուսատեսակների բազմազանության ամբողջականությունը, բուսական ծածկույթի ջրապահպան, հողապաշտպան, կլիմայակարգավորիչ և ռեկրեացիոն հատկությունների անխաթարություն,
 - կենդանական աշխարհի պահպանությանն ուղղված միջոցառումներ, կենդանիների բնակության միջավայրի ամբողջականության խախտման կանխում, կենդանական տեսակների և դրանց պոպուլյացիաների ու համակեցությունների ամբողջականության կենդանիների միգրացիայի ուղիների պահպանություն:

Բնապահպանական միջոցառումների իրականացման համար տարեկան կծախսվի 150000 դրամ գումար:

Կենդանական աշխարհի պահպանությանն նպատակով բացառվելու է տեխնիկա-տրանսպորտային միջոցների երթևեկությունը ճանապարհներից և արտադրական տարածքներից դուրս:

Հանքավայրի տարածքում աղմուկի առաջացման աղբյուրներն են՝ բացահանքը, լցակույտը, ավտոտրանսպորտը: Աղմուկի մակադակը թույլատրելի սահմաններում պահելու նպատակով տրանսպորտային միջոցները և մեխանիզմները կաշխատեն միայն սարքին խլացուցիչներով:

Հաշվի առնելով հանքավայրի հեռավորությունը մոտակա բնակավայրերից, նախալեռնաթեքվածքային, թույլ ալիքաձև ձորակներով մասնատված ռելեֆը, մեկ հերթափոխով աշխատանքային ռեժիմը՝ գումարային հաշվարկային ձայնային բնութագիրը շրջակա բնակավայրերի տարածքում կլինի բնակելի գոտիների համար սահմանված նորմերից /45ԴԲԱ/ շատ ցածր:

Բացահանքի լեռնատեխնիկական վերականգնումը իրականացվելու է բացահանքում արդյունահանման աշխատանքների ավարտումից հետո: Հանքավայրի շահագործման ավարտից հետո բացահանքում՝ ռեկուլտիվացիոն աշխատանքների ժամանակ (2-С1) բլոկ է տեղափոխվելու մակաբացման ապարների մնացած 800մ³ փոխվում է 1.0մ բարձրությամբ և հարթեցվում:

Հարթեցման աշխատանքներ կատարվում է բացահանքերի հատակի ողջ մակերեսով 30800մ², ավտոճանապարհները՝ 3720մ², N1 և N2 նախկին լցակույտերի մակերեսները՝ համապատասխանաբար՝ 3600մ² և 2180մ², արդյունաբերական հրապարակը՝ 210մ²:

Ընդհանուր վերականգնվող մակերեսը կկազմի 4.051հա տարածք:

Տեխնիկական ռեկուլտիվացումից հետո կատարվելու է կենսաբանական ռեկուլտիվացիա, որը կկատարվի հանքավայրի շահագործման ընթացքում լեռնային աշխատանքների հետևանքով խախտված հողատարածությունների վերականգնված 3.08հա տարածքի վրա: Կենսաբանական ռեկուլտիվացիայի ժամանակ կիրառվելու է հիդրոցանքի եղանակը, այս եղանակը ստեղծվել է խախտված մեծ տարածքների կանաչապատման համար:

Կենսաբանական ռեկուլտիվացիայի նպատակով օգտագործվելու է կորնգան տեսակի բազմամյա խոտաբույսը:



Լեռնատեխնիկական և կենսաբանական ռեկուլտիվացման ծախսերը կկազմեն՝ 2070.9 հազ. դրամ:

Հանքավայրի շահագործման ընթացքում հնարավոր են վթարային իրավիճակներ, բնական աղետներ և անբարենպաստ օդերևութաբանական պայմաններ: Բոլոր հնարավոր դեպքերում շրջակա միջավայրի լրացուցիչ աղտոտումը կանխելու կամ հնարավոր չափով նվազեցնելու համար մշակել է մի շարք գործողությունների ծրագիր՝ համապատասխան միջոցառումներով և ներառված է գնահատման հաշվետվությունում:

Արտանետումների ազդեցությունը գնահատելու նպատակով հաշվետվության շրջանակներում կատարվել է արտանետումների ցրման և սպասվող գետնամերձ կոնցենտրացիաների հաշվարկ: Ներկայացված հաշվարկները և ցուցանիշներից վնասակար արտանետումները մոտ են կամ ցածր նրանց թույլատրելի սահմանային մեծություններից:

Էկոլոգիական մշտադիտարկման նպատակներն են շրջակա միջավայրի վրա ազդեցության գնահատումը և նորմավորումը, ազդեցության աղբյուրների վերահսկումը /արտանետումները, ֆիզիկական ազդեցությունը, մնացորդային ազդեցությունը, վտանգները/, շրջակա միջավայրի բաղադրիչների որակի վերահսկողությունը: Այս ամենը անհրաժեշտ է ազդակիր համայնքների բնակչության անվտանգության և առողջության, աղետների կանխման և կանխարգելման միջոցառումների մշակման, ռացիոնալ բնօգտագործում և բնապահպանություն ապահովելու համար:

Հանքավայրի շահագործման ընթացքում իրականացվելու է շրջակա միջավայրի վրա բացասական ազդեցության կանխարգելմանն ու մեղմացմանն ուղղված հետևյալ մշտադիտարկումները.

1. Մթնոլորտային օդի աղտոտման վերահսկման, համապարփակ գնահատման և մթնոլորտային օդի վիճակի կանխատեսման, ինչպես նաև հանրությանը մթնոլորտային օդի աղտոտման վերաբերյալ ընթացիկ և հրատապ տեղեկատվության տրամադրման նպատակով պարբերական չափումներ՝ հունիս-սեպտեմբեր ամիսներին (շոգ և քիչ տեղումներով եղանակին)՝ օգտակար հանածոյի արդյունահանման ընթացքում յուրաքանչյուր շաբաթը մեկ անգամ: Որպես սահմանային թույլատրելի խտությունները ընդունվելու են՝ ածխածնի օքսիդի համար՝ 5 մգ/մ³, ազոտի երկօքսիդի համար՝ 0.2 մգ/մ³, մրի համար՝ 0.15 մգ/մ³:

2. Լեռնատրանսպորտային սարքավորումների աշխատանքային վիճակի՝ մասնավորապես չեզոքացուցիչ սարքավորումների սարքին վիճակի պարբերական մշտադիտարկումներ՝ տարին մեկ անգամ հաճախականությամբ:

3. Օգտագործված մեքենայական յուղերով ու քսայուղերով, ՀՀ կառավարության 24.08.2007թ.-ի թիվ 1277-Ն որոշմամբ սահմանված աղտոտիչ նյութերով արտադրական հրապարակի և մոտեցնող ճանապարհի շրջակայքի հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ տարեկան մեկ անգամ հաճախականությամբ:

4. Վայրի բնության, կենսամիջավայրի, Կարմիր գրքում ընդգրկված էնդեմիկ տեսակների մշտադիտարկումներ:

Շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումների իրականացման նպատակով նախատեսվում է տարեկան մասնահանել 150 հազ. դրամ:

Շահագործման աշխատանքների ավարտից 2 տարի առաջ կմշակվի հանքի փակման վերջնական նախագիծը: Փակման ծրագրի նպատակն է նախատեսել ֆինանսական երաշխիքներ հանքի ժամանակավոր դադարեցման կամ վերջնական փակման դեպքերում:

Փակման ծրագիրն ունի 3 բաղադրիչ՝ հանքի ֆիզիկական փակում, շրջակա միջավայրի վերականգնում, ֆինանսական երաշխիքներ: Հանքավայրի փակման միջոցառումները ներառում են՝ տեխնիկա-տրանսպորտային միջոցների և արտադրական սարքավորումների հեռացում, ժամանակավոր կառույցները ապամոնտաժում, շինարարական աղբը և չօգտագործված նյութերը դուրս բերում, ռեկուլտիվացման աշխատանքների ավարտում, հարթեցում և բերրի հողաշերտի



փռում, հանքի փակման ծրագրով նախատեսված սոցիալական մեղմացման ծրագրի ամբողջական կատարում, հիմնական ճանապարհների բարեկարգում, հանքի փակման մշտադիտարկման պլանի իրագործում նախատեսված ժամանակաշրջանում:

Պարճառաքանական մաս. Նախատեղվող գործունեության ՇՄԱԳ հաշվետվության փորձաքննությունն իրականացվել է «Շրջակա միջավայրի ազդեցության գնահատման և փորձաքննության մասին» օրենքի պահանջներով: Արարատի մարզի Որցաձոր համայնքում օրենսդրությամբ սահմանված կարգով իրականացվել են հանրային քննարկումներ, որոնց ընթացքում տեղական ինքնակառավարման մարմինների և հասարակության կողմից նախատեսվող գործունեության իրականացումը արժանացել է հավանություն:

Փորձաքննության ընթացքում հաշվետվությունը շրջակա միջավայրի նախարարության ստորաբաժանումների առաջարկություններով և դիտողություններով լրամշակվել է:

Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, կրթության, գիտության, սպորտի, մշակույթի, սպորտի և արտակարգ իրավիճակների նախարարությունները, կադաստրի կոմիտեն, ինչպես նաև Արարատի մարզպետարանը:

Պետք է փաստել, որ ՇՄԱԳ հաշվետվությունում շրջակա միջավայրի պահպանության, ինչպես նաև սոցիալական հնարավոր ազդեցությունների կանխարգելման տեսանկյունից նախատեսվել է բավարար միջոցառումների ծրագիր:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմին»:
2. Հանքավայրի շահագործման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկումներ ծրագրում նախատեսված միջոցառումների իրականացումը:
3. Հանքարդյունահանման աշխատանքների իրականացման ընթացքում անհրաժեշտ է առաջնորդվել ՀՀ կառավարության 2018 թվականի փետրվարի 22-ի Ըներքօգտագործման հատկանքով բնապահպանական կորուստների նվազեցման, անվերադարձ ազդեցության կանխարգելման նպատակով պլանավորվող մշտադիտարկումների իրականացման պահանջների, ինչպես նաև արդյունքների վերաբերյալ հաշվետվությունները ներկայացնելու կարգը սահմանելու մասին N 191-Ն որոշման պահանջներով, շրջակա միջավայրի բաղադրիչների մթնոլորտային օդ, հողային ռեսուրսներ, կենսաբազմազանություն մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:
4. Հանքավայրի շահագործման ընթացքում անհրաժեշտ է պահպանել հաշվետվությունում, նախագծային փաստաթղթերում ներկայացված տեխնոլոգիական նորմերը, բնապահպանական պահանջների կատարումը, ինչպես նաև ապահովել համայնքում ընկերության կողմից նախատեսված սոցիալական ծրագրերի իրականացումը:



5. Շահագործման աշխատանքների ընթացքում գործունեության և հարակից տարածքներում ՀՀ Կարմիր գրքում գրանցված կենդանատեսակների հանդիպման դեպքում անհարժեշտ է ապահովել պահպանության համար բոլոր անհարժեշտ միջոցառումները և առաջնորդվել «Կենդանական աշխարհի մասին» (3 ապրիլի 2000թ.) ՀՀ կառավարության կողմից հաստատված օրենքի դրույթներով:

6. Գործունեության իրականացման ընթացքում ապահովել ՀՀ առողջապահության նախարարի 2012 թվականի սեպտեմբերի 19-ի թիվ 15-Ն հրամաններով հաստատված ՀՀ-ում գործող սանիտարական կանոնների և նորմերի պահանջների կատարումը:

7. Հանավայրի շահագործման ընթացքում ապահովել աշխատողների անվտանգության և առողջության ապահովման համար անհրաժեշտ է առաջնորդվել ՀՀ աշխատանքային օրենսգրքի 23-րդ գլխի պահանջներով:

8. Պայթեցման աշխատանքներն անհրաժեշտ է կատարել ՀՀ կառավարության 2008 թվականի մարտի 6-ի «պայթեցման աշխատանքների կատարման ժամանակ անվտանգության միասնական կանոնները հաստատելու մասին» N291-Ն որոշման պահանջով՝ համապատասխան լիցենզիա ունեցող անձանց կողմից:

9. Գործունեության և հարակից տարածքներում ՀՀ Կարմիր գրքում գրանցված բուսատեսակների պոպուլյացիաների հայտնաբերման դեպքում՝ առաջնորդվել ՀՀ կառավարության «ՀՀ բուսական աշխարհի օբյեկտների պահպանության և բնական պայմաններում վերարտադրության նպատակով դրանց օգտագործման կարգը սահմանելու մասին» թիվ 781-Ն որոշման պահանջներով:

10. Մինչ աշխատանքներ իրականացնելը անհարժեշտ է կատարել հողի (0.2հա) նպատակային, գործառնական նշանակության փոփոխություններ:

11. Հանքի տարածքի այն տեղամասում, որտեղ նկատելի են քարերի կրոմլեխանման կուտակումներ վերնաշերտի հեռացումն իրականացնել հնագետի վերահսկողությամբ:

Հաշվետվությունում առկա առաջարկվող մեղմացնող միջոցառումները ընդունել պարտադիր կատարման ենթակա:

ԵԶՐԱՓԱԿԻՉ ՄԱՍ

«ԳՈԼԴ ԼԱՅՄ» ՍՊ ընկերության կողմից ներկայացված Արարատի մարզի, Շաղափի օրգանածին կրաքարերի հանքավայրի «Շեն» տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության

փորձաքննական կենտրոն» ՊՈԱԿ-ի առաջատար մասնագետ



Ն. Նասիրյան